

注音
高渤海詩

揭要

渤海詩，氣體高邁，音律蒼厚。相傳五十始學詩。每一篇出，爲時稱頌。漁洋有云：「每思高岑、老杜，同登慈恩塔，一時大將，旗鼓相當，恨不廁身其閒爲執鞭弭之役！」其傾倒可知矣。

小傳

高適字達夫，滄洲人。舉有道科，哥舒翰表爲書記，翰敗，奔赴行在，遷侍御史，歷遷西川節度使。代宗時，封渤海侯，諡曰忠。有唐詩人之達，達夫一人而已。

注音 高渤海詩

目次

五古

寄孟五少府……………一

酬裴主簿雨後睢陽北樓見贈之

作……………一

同諸公登慈恩寺浮圖……………三

同薛司直諸公秋霽曲江俯見南

山作……………四

又送族姪式顏……………五

宋中三首……………五

別王徹……………六

七古

古大梁行……………七

邯鄲少年行……………八

燕歌行……………九

人日寄杜二拾遺……………一一

送渾將軍出塞……………一一

賦得還山吟送沈四山人……………一三

五律

途中寄徐錄事……………一四

重陽……………一九

酬衛八雪中見寄……………一四

五排

送馮判官……………一五

送柴司戶充劉卿判官之嶺外……………二〇

自薊北歸……………一五

辟陽城……………二〇

送劉評事充朔方判官賦得征馬

五絕

嘶……………一六

咏史……………二一

使清夷軍入居庸……………一六

同羣公題張處士菜園……………二一

醉後贈張九旭……………一七

哭單父梁少府……………二二

廣陵別鄭威士……………一七

田家春望……………二二

七律

七絕

金城北樓……………一七

塞上聽吹笛……………二二

夜別韋司士……………一八

別董大……………二三

送李少府貶峽中王少府貶長沙……………一八

除夜作……………二三

注音

高渤海詩

王漁洋先生選本

五古

寄孟五少府

少府，縣尉之別名。

秋氣落窮巷，離憂兼暮蟬。後時已如此，高興亦徒然！知君念飄泊，憶我屢周旋。征路見來雁，歸人悲遠天。平生各千里，相望在貞堅。

【秋氣】楚辭：悲哉秋之爲氣也。

【窮巷】國策：蘇秦特窮巷掘門，桑戶樵樵之士耳。

【離憂】楚辭：思公子兮徒離憂。

【後

時】陸機演聯珠：後父之臣，每抱後時之悲。

【高興】殷仲文詩：獨有清秋日，能使高興盡。

【飄泊】北史袁式傳：式歸魏爲上

客，賜爵陽夏子，與司徒崔浩一面，便盡國士之交，雖羈旅飄泊，而清貧守度，不失士節。

【周旋】酬應也。左文行父奉以周旋，弗敢失

壁。【征路】鮑照詩：雞鳴戒征路，暮息落日分。【平生二句】言相隔雖遠，各以貞堅自期也。

酬裴主簿兩後睢陽北樓見贈之作

主簿，通典：主簿自漢有之，唐亦縣置二人，他縣各一人。

掌付事勾稽，省暑抄目，糾正縣內非違，監印給紙筆。唐書百官志：京縣令屬主簿一人，正九品上。睢陽唐書地理志：宋州睢陽

晉注高渤海詩

二

郡，屬河南道，今河南南邱縣等地。

暮霞照新晴，歸雲猶相逐。有懷晨昏暇，想見登眺他吊目。問禮侍彤同音襜處。

切題詩訪茅屋。高樓多古今，陳事滿陵谷。地久微子封，臺餘孝王築。徘徊顧霄漢，豁達俯川陸。遠水對秋城，長天向喬木。公門何清淨，列戟森已肅。不歎攜手稀，恆思著鞭速。終當拂羽翰，輕舉隨鴻鵠。

【有懷】詩有懷二人。【晨昏】曲禮：凡爲人子之禮，冬溫而夏清，昏定而晨省。

【問禮】論語：他日又獨立，鯉趨而過庭，曰：學禮乎？對曰：未也。不學禮，無以立。鯉退而學禮。鯉，孔子子伯魚也。

【彤襜】爾雅：釋器：衣蔽前，謂之襜褕。玉篇：赤色也。【茅屋】晉書：羅

含傳：合，麟州別駕，以屏舍喧擾，於城西池小州上，立茅屋，伐木爲材，織葦爲席而居。

【高樓句】登樓而即今懷古。【陳事句】陵谷有前人之遺跡也。

【微子封】水經注：雒陽故城，周武王封微子啓於宋，以嗣殷後，爲宋都也。【臺餘句】漢書：梁孝王傳：築東苑方三百里，廣睢陽城七十里，大治宮室，爲複道，自宮連屬於平臺，三十餘里，梁王與鄒枚司馬相如之徒，遊於其上。

【霄漢句】仰觀。前史：宋高祖紀：望霄漢以永懷。睢山川以增佇。【豁達句】俯視。何晏景福殿賦：開南端之豁達。

【長天句】言喬木之高向長天。【清淨】後漢書：鮑昱傳：昱爲此陽長，政化仁愛，境內清淨。【列戟】後漢書：服志：公以下至二千石，騎吏四人，千石以下至三百石，騎吏二人，皆帶劍持棨戟爲前列。

【著鞭】晉書：劉琨傳：琨少負志氣，有縱橫才，與祖逖爲友，逖被用，與琨共奮，曰：

言執戈待旦，常恐祖生先吾著鞭，其意氣相期如此。

【羽翰】翰，羽翼也。

【鴻鵠】鵠，大於雁，飛翔極高，俗稱天鵠。鴻鵠一

舉千里。

同諸公登慈恩寺浮圖

慈恩寺，兩京新記：京城東第一街，道昌坊慈恩寺，隋無漏寺故地，西院浮屠六級，

高三百尺。永徽三年，沙門玄奘所立。長安志：慈恩寺在萬年縣東八里。類函：浮圖，一名窣堵波，即塔也。說文：無塔字。若依梵本，

經佛骨所名曰塔婆。

香界泯羣有，浮圖豈諸相？登臨駭孤高，披拂欣大壯。言是羽翼生，迴出虛空上。頓疑身世別，乃覺形神王。宮闕皆戶前，山河盡簷向。秋風昨夜至，秦塞多清曠。千里何蒼蒼？五陵鬱相望。盛時慙阮步，末宦知周防。輪效獨無因，斯焉可遊放。

【香界】維摩經：遣八菩薩往來香國禮佛。

【羣有】王弼：頭陀寺碑：行不捨之禮而施治羣有。

【諸相】楞嚴經：離諸色相，無分

別性。【披拂】莊子：風起北方，二西一東，執居無事，而披拂是。

【大壯】庚信終南山義谷銘：模象大壯，規繩百堵。

【虛空】法

華經：其佛常處虛空，爲衆說法。

【身世】鮑照詩：君平既寂寞，身世兩相棄。

【形神】養生論：呼吸吐納，服食養身，使形神相親，表

裏俱濟。【神王】莊子：神雖王，不善也。

【宮闕】釋名：曰宮，穹也。屋見於垣上穹隆然也。闕，門觀。在門兩旁，中央闕然爲道也。

【秦塞】秦之爲國，四邊皆險要之地。【五陵】長陵、安陵、陽陵、茂陵、平陵，西漢諸帝之葬地。

【曠】空也。

【鬱相望】言氣鬱

微，而地近可相望也。

【阮步】

阮籍傳：籍率意命駕，不由徑路，車跡所窮，輒痛哭而返。聞步兵厨人善釀，有貯酒三百斛，乃求爲步兵

校尉。

【末宦】微官也。任防上蕭太傅啓：往來末宦，祿不代耕。

【周防】

後漢書周防傳：防字偉公，汝南汝陽人，少孤微，常修逆旅，

以供過客，而不受其報，年十六，仕郡小吏。

【遊放】

南史謝靈運傳：文帝以靈運爲臨川內史，在郡遊放，不異永嘉。

同薛司直諸公秋霽曲江俯見南山作

司直，唐書百官志：大理寺有司直六人，從六品上，

掌出使推按，凡承制推訊長吏當停務禁錮者，請魚書以往。霽，雨後晴也。曲江，劇談錄：曲江池，本秦時醴洲，唐開元中，疏鑿爲

勝境，花卉環列，煙水明媚，都人遊玩，盛於中元上巳之節。南山，卽終南山。清會典：在陝西西安府府治南。按：此第言其主山，實

則橫互關中八百里。

南山鬱初霽

切子計

曲江湛

切直喊

不流。若臨瑤池前，想望崑崙邱。迴首見黛色，

眇

音貌

然波上秋。深沈俯崢嶸

切鋤耕

嶸

音橫

清淺延阻修。連潭萬木影，插岸千巖幽。杳靄

切阿蓋

信難測，湍淪無暗投。片雲對漁父，獨鳥隨虛舟。我心寄青霞，世事慙白鷗。

侯鳥

切

得意在乘興，忘懷非外求。良辰自多暇，欣與數子遊。

【湛】深也，清也。

【瑤池】

神仙傳：崑崙閼風苑有玉樓十二，立臺九層，左瑤池，右翠水，有弱水九重，蓋不可到。

【崑崙邱】山海

經：崑崙之丘，是實惟帝之下都。【眇然】遠也。何劭詩：長懷慕仙類，眇然心綿邈。【崢嶸】山高貌。清淺：古詩：河漢清且淺。【阻修】張載擬四愁詩：我所思兮在晉州，欲往從之路阻修。【杳靄】遠氣也。【淪】波也。【暗投】鄒陽上梁王書：明月之珠，夜光之璧，以暗投人於道。【青霞】雲笈七籤：元始天王子紀，東遊碧水桃林之境，上鎮青霞九曲之房。【白鷗句】鷗應甚閒，人忙世事，故曰鷗也。【得意】莊子：得意而忘言。【乘輿】晉書：王徽之傳：徽之居山陰，夜雪初霽，月色清明，忽憶戴逵，逵時在剡，便乘小船詣之，經宿方至，造門不前而返。人問其故，曰：「乘輿而來，輿盡而返，何必見安道耶？」【外求】韓詩外傳：德義暢乎中而無外求也。

又送族姪式顏

惜君才未遇，愛君才若此。世上五百年，吾家一千里。俱遊帝城下，忽在梁園裏。我今行山東，離憂不能已！

【五百年】孟子：五百年必有王者興，其間必有名世者。【千里】千里駒也。魏曹休，父操目之爲千里駒。【梁園】漢梁孝王之園也。在今河南。

宋中三首

宋爲周時微子所封地，在今河南商邱等縣。

來。
梁王昔全盛，賓客復多才。悠悠一千年，陳跡唯高臺！寂寞向秋草，悲風千里

【梁王】梁孝王，名武，景帝之弟。【賓客】如鄒陽、枚乘等，均工文。【高臺】平臺在大梁東北，離宮所在。

朝臨孟諸上，忽見芒碭

徒浪切

間。赤帝終已矣，白雲長不還。時清更何有？禾黍

徧空山。

【孟諸】澤名，在今河南商邱縣。

【芒碭】山名，在今江蘇錫山縣東南，漢高祖嘗匿居山中。

【赤帝】即漢高祖。

景公德何廣？臨變莫能欺。三請皆不忍，妖星終自移。君心本如此，天道豈無知？

【景公】宋景公也。時災惑守心，心宋之分野。景公憂之，司星子韋曰：「可移於相。」景公曰：「相，吾之股肱，曰：『可移於民。』」景公曰：「君者，待民，曰：『可移於歲。』」景公曰：「歲饑，民困，吾誰爲君？」子韋曰：「天高聽卑，君有君人之言，三災惑宜有驗。於是饒之，果徙三度。」

別王徹

歸客自南楚，悵然思北林。蕭條秋風暮，回首江淮深。留君終日歡，或爲梁父吟。^{市音}時輩想鵬舉，他人嗟陸沈。載酒登平臺，贈君千里心。浮雲暗長路，落日有歸禽。離別未足悲，辛勤當自任。吾知十年後，季子多黃金。

【北林】詩：鬱彼北林。

【梁父吟】曲名。諸葛亮好爲梁父吟。

【鵬舉】如大鵬鳥之高舉，言得志也。

【陸沈】人中隱者，如

無水而沈也。見莊子。

【平臺】梁孝王臺。

【季子】蘇秦也。相六國，位尊而金多。

七古

古大梁行

大梁。史記魏世家：惠王三十一年，徙治大梁，今河南省開封縣。

古城莽蒼饒荆榛，驅馬荒城愁殺人。魏王宮殿盡禾黍，信陵賓客隨灰塵。憶昨雄都舊朝市，軒車照耀歌鐘起。軍容帶甲三十萬，國步連營五千里。全盛須臾那可論，高臺曲池無復存。遺墟但有狐狸迹，古地空餘草木根。暮天搖落傷懷抱，撫劍悲歌對秋草。俠客猶傳朱亥名，行人尙識夷門道。白璧黃金萬戶侯，寶刀駿

馬填山丘年代淒涼不可問，往來唯見水東流！

【莽蒼】莊子：道莽蒼者，三波而反。注：莽蒼，近郊林木之色。

【饒】多也。

【荆榛】潘岳詩：荆棘成榛，榛，桑木也。

【愁殺人】

古歌：秋風蕭蕭愁殺人。

【禾黍】史記宋世家：箕子朝周，過故殷墟，作麥秀之詩曰：麥秀漸漸兮，禾黍油油。

【信陵】史記：信陵君

食客三千人。信陵君，魏公子，無忌也。

【朝市】史記張儀傳：三川周室，天下之朝市也。

【軒車】莊子：子貢軒車不容巷。

【歌

鐘】國語：公賜鐘絳歌鐘一肆。

【三十萬】史記張儀傳：儀說魏王曰：魏地不至千里，卒不過三十萬。

【國步】詩：國步斯艱。

【連營】魏志：文帝開備兵東下，與權交戰，樹柵連營，七百餘里。

【五千里】國策：魏地方千里，不下於楚，此則極言其大也。

【高臺曲池】新論：高臺既已傾，曲池又已平。

【遺墟】史記：國爲邱墟。

【狐狸】傳玄詩：但有狐狸迹。

【搖落】楚辭：悲哉

秋之爲氣也，蕭瑟兮草木搖落而變衰。

【撫劍】左昭：撫劍從之。

【朱亥夷門】

秦國趙，魏使晉鄙救之，畏秦不敢進，趙求救於

信陵，夷門侯嬴爲畫策。魏王寵姬如姬盜兵符，復使其友朱亥椎殺晉鄙，信陵得將軍，遂襲秦。夷門，在河南開封縣城內東北隅。

【白壁句】史記：虞卿一見趙王，賜白壁一雙，黃金百鎰，再見拜爲上卿，三見卒受相印，封萬戶侯。

【寶刀】殷鑒傳：孟勞者，魯之

寶刀也。【駿馬】良馬。

邯鄲少年行

邯，音寒。鄲，音丹。唐書地理志：河北惠道州上本磁州，有邯鄲縣。

邯鄲城南遊俠子，自矜生長邯鄲裏。干場縱博家仍富，幾處報讎身不死。宅

中歌笑日紛紛，門外車馬如雲屯。未知肝膽向誰是？令人卻憶平原君。君不見今人交態薄，黃金用盡還疎索。以茲感歎辭舊遊，更於時事無所求。且與少年飲美酒，往來射獵西山頭。

【遊俠】好勇而尚義者。

【縱博】說文：博，局戲也。六箸，十二棋也。

【報讎】史記：郭解以驅情交報讎，適有天幸，窘急常得脫，若

遇赦。

【雲屯】列子：望之若雲屯。

【肝膽】史記：蒯通曰：臣願披腹心，輸肝膽。

【平原君】史記：平原君趙勝者，趙之諸公子也；

喜賓客，賓客至者數千人。

【交態】史記汲黯傳：一貧一富乃知交態。

【黃金】戰國策：黃金百斤盡。

【疎索】無情也。

【時

事】鮑照詩：時事一朝異。

【射獵】史記：李廣居南山中射獵。

燕歌行

開元二十六年，客有從元戎出塞而還者，作燕歌行以示適，感征戍之事，因而和焉。（原註）

漢家煙塵在東北，漢將辭家破殘賊。男兒本自重橫行，天子非常賜顏色。摐金伐鼓下榆關，旌旆逶迤碣石閒。校尉羽書飛瀚海，單于獵火照狼山。山川蕭條極邊土，胡騎憑陵雜風雨。戰士軍前半死生，美人帳下猶歌舞。大漠窮秋塞草腓，孤城落日鬬兵稀。身當恩遇常輕敵，力盡關山未解圍。鐵衣遠

成辛勤久，玉筍

住音

應啼別離後。少婦城南欲斷腸，征人

計音

北空回首。邊庭飄飄

那可度？絕域蒼茫何所有？殺氣三時作陣雲，寒聲一夜傳刁斗。相看白刃雪紛

紛，死節從來豈顧勳？君不見沙場征戰苦，至今猶憶李將軍。

【煙塵】蔡琰胡笳：煙塵蔽野，分胡塵盛。

【殘賊】孟子：賊仁者，謂之賊；賊義者，謂之殘。

【橫行】史記樊噲傳：臣願得十萬衆，橫

行匈奴中。

【賜顏色】南史王弘傳：不微信顏色，卽大成怨府，亦鄙薄所不任。

【撻金】子虛賦：撻金鼓，吹鳴鑼。注：撻，擊也。

【伐

鼓】詩：鉦人伐鼓。

【榆關】二統志：榆關，在撫寧縣東三十里，一名臨關。

【逶迤】邪下貌。楚辭：載雲旗之逶迤。

【碣石】

唐書地理志：平州石城縣有碣石山。

【校尉】漢書：八校尉，秩皆二千石。

【羽書】漢書高帝紀注：檄者以木簡爲書，長尺二寸，用

微石，有急事，則加以鳥羽插之，名曰羽書。

【瀚海】沙漠之地。

【單于】匈奴君長之稱也。

【狼山】二統志：狼山，在寧夏衛

城東南二百九十里。

【邊陲】左成：邊陲我城郭。

【風雨】新序：匈奴來若風雨，解若收電。

【美人】史記：羽起夜飲帳中，悲歌

慷慨，美人和之。

【大漠】沙漠。【腓】詩傳：腓，病也。

【輕敵】老子：過莫大於輕敵。

【解圍】新序：高祖圍於平城，七日乃解

圍。【鐵衣】甲也。木蘭歌：寒光照鐵衣。

【玉筍】淚也。梁簡文帝詩：玉筍衣前滴。

【城南】曹植詩：借問女何居，乃在城南端。

【薊北】今京兆薊縣之北。

【刁斗】以銅爲之，煮飯飲食，夜擊持行，見漢書注。

【李將軍】史記：李牧厚遇將士，匈奴入，急收保，

匈奴數歲無所得，邊士皆願一戰，於是多爲奇陣，張左右翼擊之，破匈奴十餘萬騎，單于十數歲不敢近道。

人日寄杜二拾遺

正月七日爲人日，拾遺、掌供奉讀詩，唐有左右拾遺，杜二即少陵。

人日題詩寄草堂，遙憐故人思故鄉。柳條弄色不忍見，梅花滿枝空斷腸。身在遠藩無所預，心懷百憂復千慮。今年人日空相憶，明年人日知何處！一臥東山三十春，豈知書劍老風塵。龍鍾還忝二千石，愧爾東西南北人。

【草堂】仇潛柱詳註杜工部年譜，乾元二年，公入蜀，上元元年，裴冕爲成都尹，爲卜浣花草堂居之。一統志：草堂在成都府西南五里浣花溪上。【遠藩】唐書高適傳：祿山亂，拜適左拾遺，轉監察御史，李輔國惡其才，數短毀之，出爲蜀彭二州刺史。此遠藩，蓋謂蜀也。

【百憂】詩：逢此百憂。

【千慮】史記：智者千慮，必有一失。

【東山】晉謝安隱居東山。

【書劍】史記：學書不成，去學劍又不

成。【龍鍾】訂謬錄：龍鍾，一說竹名，謂年老之人，如竹枝搖曳，不自矜持。一說石名，謂老人身重如石，難移動也。按：本詩當作老體。

意。【二千石】漢書百官志：郡守秦官，秩二千石，唐之刺史，等於郡守。【東西南北】禮記：孔子曰：今丘也，東西南北之人也。

時杜流離奔走，故云。

送渾將軍出塞

渾將軍，唐書渾瑊傳：瑊，好書，通春秋漢書，天性忠謹，功高而志益下，世方之金日磾。

將軍族貴兵且強，漢家已是渾邪王。子孫相承在朝野，至今部曲燕支下。控

空去聲

弦盡用陰山兒，臨陣長騎大宛

音馬

銀鞍玉勒繡螭

音謀

弧

音胡

每逐嫖

音嫖

姚破

骨都李廣從來先將士，衛青未肯學孫吳。傳有沙場千萬騎，昨日邊庭羽書至。城

頭畫角三四聲，匣裏寶刀晝夜鳴。意氣能甘萬里去，辛勤動作一年行。黃雲白草

無前後，朝建旌旗夕刁斗。塞下應多俠少年，關西不見春楊柳。從軍借問所從誰？

擊劍酣歌當此時。遠別無輕繞朝策，平戎早寄仲宣詩！

【族貴】唐書：渾瑊，本鐵勒九姓之渾部也，世爲皋蘭郡督。

【渾邪王】唐書：宰相世系表：渾氏出自匈奴渾邪王，隨拓跋氏徙河南，

因以爲氏。

【部曲】續漢書：百官志：大將軍營五部，校尉一人，部下有曲，軍候一人。

【燕支】通典：甘州刪丹縣，有燕支山。

【控

弦】漢書：張敖傳：是爲冒頓單于，兵強控弦，四十萬騎。

【陰山】在今綏遠特別區域。

【大宛馬】史記：大宛傳：大宛多善馬，馬

汗血，其先天馬子也。注：大宛國有高山，其上有馬不可得，因取五色母馬，置其下與交，生駒汗血，因號曰天馬子。

【銀鞍玉勒】漢

書：控玉勒而搖星，跨金鞍而動月。

【發弧】左隱：穎考叔取鄭伯之旗發弧以先登。

【嫖姚】勁勇之稱。漢書：去病爲嫖姚校尉。

【骨都】史記：匈奴傳：左右骨都侯。

【李廣句】漢書：李廣歷七郡太守，前後四十餘年，得賞賜，輒分其部下，飲食與士卒共之。

【衛青句】史記：衛青傳：天子嘗欲教之孫吳兵法，對曰：願方略何如耳，不至學古兵法。孫吳，孫武，吳起。

【畫角】古軍樂器，製以銅，

外加繪畫，故名。始用直吹，後用橫吹，發聲高亢，可勵軍人。

【刀鳴】服華詩：吳刀手中鳴。

【黃雲】漢書：東方朔傳：天有黃雲來覆

車。【白草】前漢書西域傳：鄯善國多胡桐白草。師古曰：白草似秀而細，無芒，其乾熟時正白色，牛馬所嗜也。

【關西句】言地

極寒，春無楊柳。

【繞朝策】晉士會將受魏壽餘之誘而歸晉，繞朝贈之以策，曰：子無謂秦無人，吾謀適不用也。見左文。【仲宣】

王粲從軍詩：一舉滅獯鬻，再舉服羌夷，西牧邊地脫，忽若俯拾遺。王粲，字仲宣。

賦得還山吟送沈四山人

還山吟，天高日暮寒山深，送君還山識君心。人生老大須恣意，看君解作一生事，山閒偃仰無不至。石泉淙淙若風雨，桂花松子常滿地。賣藥囊中應有錢，還山服藥又長年。白雲勸盡杯中物，明月相隨何處眠。眠時憶問醒時事，夢魂可以相周旋。

【老大】古詩：老大徒傷悲。

【恣意】解嘲：矯翼厲翮，恣意所存。

【解事】南史趙倫之傳：於人世閒事，多所不解。

【偃仰】

伏也。詩：或栖遲偃仰。

【淙淙】說文：淙淙，水聲。

【賣藥】高士傳：韓康賣藥於長安市中。

【服藥】神仙傳：孔安國隱潛山，有陳

伯者，求事安國，以爲弟子三年，乃謂之曰：吾受道以來，三貞餘年，以一方授崔仲卿，卿年八十四，服藥三十三年矣，肌體氣力甚健，子往

與相見事之。【杯中物】酒也。兩晉詩：且進杯中物。【夢魂】韓非子：六國時，張敏與高惠爲友，每相思不能得見，敏於夢中往尋，


但至半途，即迷不得路。南史張充傳：夢交魂。【周旋】世說：我與我周旋，久寥作我。

五律

途中寄徐錄事

徐錄事參軍一人，從七品上；錄事二人，從九品下。

落日風雨至，秋天鴻雁來。
疎空多僂中贈，長見右軍書。
旅館復何如？君又幾時去？我知音信



【鴻雁】禮記月令：季秋之月，鴻雁來賓。
自行書草書，通謂之八體。惟右軍兼工。

【右軍書】晉書：王羲之，字逸少，起家祕書郎，後爲右軍將軍。書斷：篆、隸、八分、隸書、草書、飛

酬衛八雪中見寄

季冬憶淇上，落日歸山樊。
舊宅帶流水，平田臨古村。
雪中望來信，醉裏開衡門。
果得希代寶，緘之那可論。

【淇上】淇水之上，在今河南淇縣。

【山樊】猶山林也。莊子：冬則獨簞於江，夏則遊乎山樊。

【衡門】藁木爲門。

【希代寶】

此指來詩【絨】絨而藏之。

送馮判官

判官，唐節度防禦觀察諸使屬官。

碣石遼西地，漁陽薊北天。關山唯一道，雨雪盡三邊。才子方爲客，將軍正渴賢。遙知幕府下，書記日翩翩。

音翹篇翹。

【遼西】漢書地理志：遼西郡，秦置。又元封元年，自太山東巡海上至碣石，自遼西歷北邊九原，歸於甘泉。

【漁陽】漢書地理志：漁

陽郡，秦置，縣漁陽。

【薊】唐置薊州，爲漁陽郡治，今京兆薊縣。

【渴賢】求賢若渴。

【幕府】史記李牧傳：常居雁門，備匈奴，以

便宜置吏，市租皆輸入幕府，爲士卒食。索隱注：古者出征，以幕帷爲府署，故曰幕府。

【書記】唐元帥府及節度使皆有之，掌文牘之

事。【翩翩】年少風流之貌。

自薊北歸

驅馬薊門北，北風邊馬哀。蒼茫遠山口，豁達胡天開。五將已深入，前軍止半迴。誰憐不得意，長劍獨歸來。

【邊馬】楚辭：僕夫懷余心悲兮，邊馬顧而不行。

【蒼茫】遠視不明也。

【豁達】開朗之象。

【五將】漢書匈奴傳：漢遣田廣

明等五將軍出塞，匈奴遠遁。

送劉評事充朔方判官賦得征馬嘶

評事，評斷刑獄，屬大理寺。判官，節度防禦、觀察使等之

屬吏。嘶，音西馬鳴也。

征馬向邊州，蕭蕭嘶不休。思深應帶別，聲斷爲兼秋。歧路風將遠，關山月共愁。贈君從此去，何日大刀頭？

【大刀頭】古之隱語，謂還也。按：刀頭有環，環者，還也。

使清夷軍入居庸

清夷軍，在薊州城內，屬范陽節度使。按：薊州，今直隸懷來縣治。居庸，在今河北省昌平縣西

北二十四里。

匹馬行將久，征途去轉難。不知邊地別，音必祇訝客衣單。谿冷泉聲苦，山空木葉乾。莫言關塞極，雨雪尙漫漫。

【別】區別也。言不知邊地與內地之別也。【漫漫】不已也。

醉後贈張九旭

旭，吳人，字伯高，善草書，嗜酒。

世上謾

謾完切

相識，此翁殊不然。興來書自聖，醉後語尤顛。白髮老閑事，青雲

在目前。牀頭一壺酒，能更幾回眠？

【謾】欺也。

【聖】時名張旭爲草聖。

【白髮二句】言不以衰老顯達爲意也。

廣陵別鄭威士

廣陵，今揚州。

落日知分手，春風莫斷腸。興來無不慍，才在亦何傷？溪水堪垂釣，江田耐插秧。人生只爲此，亦足傲羲皇。

【羲皇】伏羲也。

七律

金城北樓

金城，漢縣，故城在今皋蘭縣西南。

北樓西望滿晴空，積水連山勝畫中。音湍上急流聲若箭，城頭殘月勢如弓。

垂竿已羨磻谿老，體道猶思塞上翁。爲問邊庭更何事？至今羌笛怨無窮。

【湍】水流沙上。

【磻谿老】

太公望也。磻谿在陝西寶雞縣東南，源出南山，入於渭，太公釣於此。

【塞上翁】塞翁失馬，人吊之。

則曰：安知非福？一日馬偕胡駿馬而至，人皆賀之，翁曰：安知非禍？其子乘之，墮而折髀，人又弔之，翁曰：此又安知非福？數月，胡大入塞，官

徵兵，子以跛故，不入伍，未幾，入伍者皆死，而其子獨全。體道，猶知道也。

【羌笛】羌，西戎，笛爲羌人所造。

夜別韋司士

司士，佐治之吏。唐制，在府曰士曹參軍，在州曰司士參軍，在縣曰司士，管理河津，隴宇橋梁營造之事。

高館張燈酒復清，夜鐘殘月雁歸聲。只言啼鳥堪求侶，無那春風欲送行。黃

河曲裏沙爲岸，白馬津邊柳向城。莫怨他鄉暫離別，知君到處有逢迎。

【啼鳥求侶】詩：嚶其鳴矣，求其友聲。

【黃河曲】

兩雅：黃河百里一小曲，千里一曲一直。

【白馬津】

漢書：酈食其傳：距飛狐之口，守白馬之津。

之口，守白馬之津。

送李少府貶峽中王少府貶長沙

峽中即峽州，今湖北宜昌縣治。長沙，唐書地理志：潭州有長

沙郡，屬江南道。

嗟君此別意何如，駐馬銜杯問謫居。巫峽啼猿數行淚，衡陽歸雁幾封書。清

楓江土秋天遠，白帝城邊古木疎。聖代卽今多雨露，暫時分手莫躊躇。

直由除

【巫峽】在湖北巴東縣西。巴東三峽歌：巴東三峽巫峽長，猿啼三聲淚沾裳。

【衡陽】唐書地理志：衡州衡陽郡有衡陽縣。王勃滕

王閣序：雁陣驚寒，聲斷衡陽之浦。

【青楓江】一統志：長沙府有青楓江。

【白帝城】全蜀總志：白帝城在夔州府治東五里。

【躊躇】徘徊不進之貌。

重陽

節物驚心兩鬢華，東籬空繞未開花。百年將半仕三已，五畝就荒天一涯。豈
有白衣來剝啄，郭犀切一從烏帽自欹斜。真成獨坐空搔首，門柳蕭蕭噪暮鴉。

【髮】耳際之髮。【東籬】陶潛詩：采菊東籬下。

【仕三已】楚子文三仕爲令尹，無喜色；三已之，無愠色。見論語。言己之屢見譴

謫也。【就荒】陶潛文：三徑就荒，松菊猶存。

【白衣】陶潛九日無酒，籬邊悵望，見白衣人來，乃王弘送酒使也。見續晉陽秋。

【剝啄】叩門聲。【烏帽】烏紗帽也。唐時爲官服。【蕭蕭】猶蕭疏也。【噪】聲大而煩也。

五排

送柴司戶充劉卿

一作判官

之嶺外

司戶主民戶。在府曰戶曹參軍，在州曰司戶參軍，在縣曰司戶。

嶺外五嶺之外，今兩廣地。

嶺外資雄鎮，朝端寵節旄。月卿臨幕府，星使出詞曹。海對羊城闊，山連象郡高。風霜驅瘴癘，忠信涉波濤。別恨隨流水，交情脫寶刀。有才無不適，行矣莫徒勞。

【節旄】使官有節，其上飾以旄牛尾。

【月卿】書：卿士惟月。此指司戶。

【星使】漢和帝使人察州郡，有二人當到益州，授李邵

候舍，邵問二人曰：二君發時，知朝廷遣二使耶？二人曰：何以知之？邵曰：有二使星，向益州分野。見後漢書。後遂沿稱爲星使。

【詞曹】

即詞臣也。

【羊城】即廣州城。

【象郡】秦置，今廣東、廣西及安南之地。

辟陽城

在今河北襄縣東南，漢呂后嬖人審食其封於此城。

荒城在高岸，淩眺俯清淇。傳道漢天子，而封審食其。其奸淫且不戮，茅土孰云宜？何得英雄主，反令兒女欺。母儀良已失，臣節豈如斯。太息一朝事，乃令人

所噉。
瘼音

【奸淫句】食其通幸於后，而高祖容之。【茅土】古封諸侯，各以其方之色土與之。其以白茅。【噉】笑也。

五絕

咏史

尙有綈袍贈，應憐范叔寒；不知天下士，猶作布衣看。

【綈袍】綈，厚繒也。范曄初仕魏，須賈譖之，曄受笞幾死，逃之秦，更姓名，爲秦相。須賈使秦，曄僞裝見之，賈曰：「范叔一寒至此乎？」因贈以綈袍。後知曄爲秦相，乃謝罪。曄曰：「以綈袍有戀戀故人之意，故不罪公。」【范叔】叔，曄字。【天下士】士之才，蓋於天下也。

同羣公題張處士菜園

耕地桑柘閒，地肥菜常熟；爲問葵藿資，何如廟堂肉？

【柘】落葉灌木，葉與桑同而較硬，亦可飼蠶。【葵藿】葵，卽芹類。藿，豆葉。

哭單父梁少府

單父，唐書地理志：宋州臨陽郡有單父縣，屬河南道。

開簾淚沾臆，

於力切。

見君前日書；夜臺猶寂寞，疑是子雲居。

【夜臺】

陸機詩：送子長夜臺。李周翰注：墳墓一閉，無復見明，故云長夜臺。後人稱夜臺，本此。又沈約賦：忽淪墜于夜臺。

【寂寞】

漢書揚雄傳：惟寂寞，自投閣，爰清靜，作符命。

【子雲】

揚雄字。

田家春望

出門何所見？春色滿平蕪。

音無。

可歎無知己，高陽一酒徒。

【蕪】

素草茂生之處。【高陽句】沛公過陳留，關商上謁，使者出謝，關叱之曰：走，爲我言。高陽一酒徒，非儒人也。見史記。按：關爲

陳留高陽人。

七絕

塞上聽吹笛

雪淨胡天牧馬還，月明羌笛戍樓閒；借問梅花何處落？風吹一夜滿關山。

【牧馬】過秦論：胡人不敢南下而牧馬。答蘇武書：胡笳互動，牧馬悲鳴。【羌】西戎種名。【戍樓】戍守之望樓。梁元帝詩：江槎擁

戍樓。【梅花落】樂府：梅花落，笛曲名。

別董大

十里黃雲白日曛，曛音熏北風吹雁雪紛紛；莫愁前路無知己，天下誰人不識君？

【曛】日入餘光也。

除夜作

旅館寒燈獨不眠，客心何事轉悽然？故鄉今夜思千里，霜鬢明朝又一年。

霜鬢【言鬢髮之白也】。

